

直隸趙州志卷三

建置志

古者建國辨方正位設官分職後世易爲郡縣星羅
碁布而土木興築之役繁非病民也城郭所以衛民
社衙署所以布德威若學校壇廟倉廩驛遞之類皆
治人事神興養立教鉅典所關何莫非王政所寓耶
然因時經畫存乎其人上存治體下順輿情斯知爲
政之要矣志建置

城池

官署

趙州志

卷三

建置 序

學校

壇廟

倉廩

驛遞

城池

易曰王公設險以守其國詩曰實墉實壑此談守禦者所以有取於城池之高深也趙地雖廣衍平曠無險可據然河朔爲天下之根本趙卽爲河朔之咽喉自唐宋後或爲郡或爲府或爲州滄桑屢易入我皇朝規制崇闐屹然爲畿南屏翰守土者覽茲形勝加以撫綏之政則眾志成城金湯永固矣

州城土築建置莫考基博二丈五尺垣崇三丈二尺周圍十三里有奇燧臺六十有二女牆崇五尺加堞二千八百八十有一東垣七百四十八丈自艮隅迤邐

趙州志

卷三

城池

二

外跨當卯位內折直引至南門居乙辰之間巽隅起魁樓今移置巳位南垣繩直四百九十六丈門居丁未之間西垣七百四十九丈自坤隅直引抵酉辛間折而東郭門在焉循郭右偏東行百丈再折而北百數十丈乃爲乾隅北垣四百一十九丈自乾歷亥皆直引當壬位外跨斜指門居癸丑之間東抵艮隅止門凡四重關雙闔東曰升華南曰臨浹西曰澄波北曰拱辰

按垣墉郭郭歲久傾圯人人可越咸豐三年九月粵逆北犯飄忽馳突防禦不及城遂陷同治七年知州

劉公錫穀興工繕治用畝捐法九年知州高公維翰以畝捐不時集改勸富民出貲遷延畏縮至十年乃歲事惟起東樓時義民楊新春楊家郭人出制錢一千六百貫佐役事屬罕覯故附記之

濠闊十丈深十尺繞城四周匝水汪洋聞舊時徧種紅蓮垂柳翳之夏日荷香拂拂游鱗喋唼勝概也厥後清水河來源既竭濠亦旋涸居民犁爲平田租入充書院諸生之用同治四年知州段公廣瀛倡議加濬寬三丈深一丈三尺半四境畢赴工將訖秋霖羣注而止然需民力已不貲矣

官署

官署為出政臨民之所規制不闕則觀瞻不肅非所以別上下而昭等威也趙自經兵燹後州署為墟議興復者每以役大費繁而止然趙為畿輔雄郡統轄諸邑以萬民屬耳目之地而鞠為茂草可乎哉今州守孫公因遺基擴舊制堂皇廨舍煥然一新凡所為辨曲直明賞罰申誥誡樹風聲胥於是乎在而紳民胥吏亦奉行不怠爭自濯磨不宛然旭日初升之象歟

知州治所居城之乾位肇基歲月五代以前無可考或

趙州志

卷三

官署

四

云即漢東光侯耿純故宅援署前望漢臺證之北宋

為慶源軍治所

舊有軍使廳題名碑記見藝文

明洪武初署知州楊

德成建立堂宇成化七年堂燬於火明年知州潘洪

重建

記見藝文

堂後為慶源堂又後為中正堂嘉靖四十

三年知州李方至建

舊宅偏右李始改移故址中正名之即歲寒軒故址

國朝知州孔興訓改為協恭堂又有敬義堂在慶源堂之

右即舊內寢也大堂東偏為庫樓高數尋石基鞏固

古幕廳地

記見藝文

堂之南門三中曰儀門左曰誠和右

曰廣愛吏舍分列其內北宇聯衡再南曰大門設壁

翳之南臨通衢有臺危峙類闔闔則望漢臺也

以上舊署

咸豐三年九月初二日粵逆北犯城陷州署悉被焚燬嗣是州守儻屋治事或居試院亟思興築而土木工鉅片瓦尺椽無可憑藉卒難修復光緒二十年七月州守孫公涖任始集僚佐紳耆妥爲商酌捐廉興工大堂額曰敬事後爲二堂再後爲內署兩旁屋宇鱗次大堂南爲儀門爲大門爲照壁經始於甲午九月落成於乙未仲冬民間出貲無幾皆修治完善內外整肅趙之衙署又巍然一鉅觀矣

照壁一座 大門三間 儀門三間 東西角門各一間 大堂五間接厦三間 宅門一間 二堂三

趙州志

卷三

官署

五

間 內宅門一間 上房五間 東西廂房各三間 門房三間 又南屋九間 北屋二間 客廳三間 又門房後北屋三間 書房北屋三間 內花廳北屋三間 又西院北屋三間 又南屋三間 北院一所北屋三間 又南屋三間 上房東西兩跨院北屋各三間南屋各三間 又前北屋五間 又東屋三間 賬房北屋三間 東屋二座六間 茶爐屋二間 又南屋三間 廚房七間 又南屋一間 庫房院西屋三間 穿廊西屋三間 又南屋二間 大堂西聽差北屋二間 又東角北屋二

閒 花園西屋六閒

共瓦房平房一百三十三閒

州判廨在州署西

即明通判宅宅舊有二一為管馬衙署一為管糧衙署嘉靖時裁管馬判

官宅併為一

東花廳咸豐十年州判孟傳鑄創建顏曰中

隱隲

有自記

同治十二年州判崔允勤重修

吏目廨在州署東

舊為同知廨明宣德末裁併為吏目宅

儀仗庫在儀門外左土地祠內舊曰駕庫明嘉靖閒知

州蔡懋昭建

今廢

監獄在大門內西

鄣城驛舊在州署之西右為驛丞宅及鋪陳庫養馬房

趙州志

卷三

官署

六

久廢驛丞亦裁今尙有驛廳三閒在望漢臺西備過

客餐宿之地而驛所移於州署東偏與吏目宅比鄰

不知起於何時草廠舊在州署西南今在驛所後

東西察院小察院太僕寺行署

今俱廢

迎賓館在大門內即古畫訪堂 陰陽學醫學在州門

左 申明亭旌善亭

總鋪府廳俱在大門左

今均廢

留賓館在西門外小石橋南

今廢

趙州營

屬正定營總兵舊無衙署僦居民舍

守備一人

初設千總嘉慶八年移千總駐茨溝

移茨溝營守備於此為趙州營管轄本營併分防三汛

把總一人

駐本營

外委三

人隆一分防柏鄉汛一分防臨城汛

馬兵二十六名

額設營汛共四十八

名調入練軍二十一
名實存二十六名
步兵二名
營駐本守兵六十九名

額設營汛共一百二十五名
調入練軍五十六名
實存六十九名

演武場在西關槐蔭寺西共地七十畝
舊有廳臺垣坊
今廢地存

學校

古者建學明倫書升論秀甄陶備而樂育宏故人材稱極盛焉後世郡國有學自漢景帝時文翁建學於蜀至武帝乃詔天下郡國皆立學校官歷代相沿而師儒遂有專責屏異端崇正學俾士子明體達用不煥經猷如胡安定之教授蘇湖朱考亭之講學鹿洞尤其彰彰者也我

朝學校規制崇闕歲時修葺趙近首善嚮化尤先誠有人以振興之將詩書禮樂之澤淑我髦士厥功偉矣至於書院義學所以佐學校也俱書於左

趙州志

卷三

學校

八

文廟在州治南里許城隍廟東宋天聖閒詔天下郡邑建學權輿於此趙為河朔重地復以國姓升節鎮錫軍額爾時廟制自必崇闕嚴邃方稱雄州鉅觀今門內存豐碑二高踰尋丈其故物也靖康之末毀於兵時以守城禦金撤材木備樓櫓之用金天會十二年攝州事鴻臚少卿趙維甫修大成殿有記見藝文皇統三年州倅任百祥修兩廡有記見藝文泰和中知州路元築重門廊廡元真定路工匠都總管趙振玉獨力捐修有記見藝文至正十三年州倅哈只某重修明洪武十三年知州周誠重修景泰四年學正鄭鋼及知州胡宏重修有碑記天順六

年知州何濬重修有碑 成化十七年知州陳瑄重修

有記見 隆慶元年知州蔡懋昭重修並置啟聖祠大

成殿東南偏為祭器庫兩翼而南有兩廡前為戟門

又前為櫺星門門內有名宦鄉賢二祠有記見 天啟

四年知州蔣觀獨力捐修有碑 堂廡巍峩古柏蒼鬱

兩相輝映真大觀也

國朝順治十一年知州陶鼎鉉重修有記見 乾隆四十九

年知州黃甯重修有碑 光緒五年知州楊蔚本重修

有碑

身聖祠在大成殿後

趙州志 卷三

學校

九

名宦祠在櫺星門內東列祀自周至 國朝二十三人

詳見祠祀

鄉賢祠在櫺星門內西列祀自周至 國朝二十四人

詳見祠祀

忠義孝弟祀在文廟右

節孝祠在文廟左

明倫堂在文廟之乾隅前有二齋東為進德今存西為

修業久廢

學正宅 訓導宅在明倫堂右

尊經閣在明倫堂後明成化十七年知州陳瑄撤舊講

堂改建

金皇統三年州倅任百祥會修重閣

萬曆四十三年知州王佐

才重修

有記見藝文

國朝順治十八年知州商永傑獨力捐修

有記見藝文

康熙十

一年學正閻永齡重修乾隆四十九年知州黃甯重

修

敬一亭在明倫堂後尊經閣前明嘉靖七年建

國朝順治十八年知州商永傑重修康熙十一年學正閻

永齡重修

試院在西門內東南乾隆元年創建大堂五間接厦三

間穿堂三間二堂三間名樹人堂後為大樓二層五

趙州志

卷三

學校

十

開樓前東西配房各三間樓後上房三間大堂之前

為考棚共六十三間南為二門大門官廳在門東供

給所在門西吏舍庖厨連繚四周又數十間

學額科歲試各取文章二十一名

屬縣撥入三名

歲試取武

童十八名

屬縣撥入三名

廩膳生三十名增廣生三十名三年兩貢

文昌祠在文廟東鄰

魁樓舊在南城上巳位乾隆四十五年移建巽位今復

移在巳位

學莊二所元同僉樞密院事趙良弼置一在州東趙

村地入百畝一在州東北梨村地二百畝餘田七十畝給學中灑掃夫食用

有記見藝文

久廢

慶陽書院舊在州署大門外東偏道光末年講堂大門尚存後漸廢同治六年知州劉錫穀移建於明倫堂東起四室北爲講室南與東爲號舍又建一舍於進

德齋之南西向

有碑記

義學在西關康熙五十四年建久廢學田尚存社學在城隍廟門內雍正九年建久廢

壇廟

建國必有壇廟等而下之郡邑亦然祭祀以秩垂為典禮非梵宇琳宮之可比也趙之壇廟建置歷有年所儻風雨剝蝕廢墜不修將春秋無以致禋祀水旱何以申祈禱乎第神者民所奉民者神之主果能三時不害先成民而後致力於神則民和而神降之福矣

社稷壇在西門外永通橋之北古台河西岸今存

風雲雷雨山川壇在南門外迤東平棘臺之北入蜡廟

西今存

趙州志

卷三

壇廟

三

先農壇在東門外迤北雍正四年奉

旨建前右古柏二行同治九年州判孟傳鑄重修壇後舊

有廟藏神主之所久廢

厲壇在北門外同治九年吏目徐璜重修十一年知州

張保泰於壇北創建城隍行殿三間接任知州存祿

完成之

關帝廟在州署西與南門相對不知所自始三殿並峙

前墀關帝像中為三義殿漢昭烈帝居中東西列坐

者關帝與張桓侯也

始並坐明知州蔡懋昭改列東西

後殿祀關帝

三代明嘉靖閒知州馬晉重修萬曆閒知州蔣覲重

修

國朝康熙二十四年重修雍正十一年知州徐士鑑重修
乾隆四十年興安重修道光十四年德克崇額重修
咸豐三年粵逆犯州前中二殿燬於火荒棄不治者
十年同治元年移正殿於中殿之址修復皆民力也
有記見 三義殿遂廢
藝文

城隍廟在州署正南創始無考嘉靖二十二年孝廉李
時陽等重修有記見 隆慶初知州蔡懋昭重修有記
文 萬曆四十六年重修正殿三間後殿三間正殿達
於後殿中捲亭南北三間殿前有貳門三間門內左

趙州志

卷三

壇廟

三

右曹司各五十間門外東鼓樓西鐘樓鐘樓西北十
王殿三間鼓樓東北廣生殿三間兩殿前各有門兩
門之中即廟大門三間門南甬道三十武有坊

國朝康熙三十五年知州李坦重修雍正十二年知州徐
士鑑重修乾隆四十七年重修咸豐元年重修三年
秋經粵逆之變前後燬於火延及西廡咸豐十一年
知州陳鍾祥取州署大堂材木建正殿及前厦
入蜡廟在南門外平棘臺之北

劉猛將軍廟在柏林寺內雍正二年奉

敕建道光二十三年知州金殿重修

眞武廟二一在北門外萬厯四年建久廢一在西門內
今存

火神廟在常平倉東

火龍廟在火神廟北

龍神廟二一稱龍王堂亦名龍泉雙廟在北門外里許

中庭一井素著靈應有元皇慶元年碑明萬厯五年

重修

有碑記

四十七年又修並置贍田

有碑記

崇禎元年

重修

有碑記

國朝康熙十三年有禱雨碑

玉皇廟在文廟東路北

趙州志

卷三

壇廟

古

三皇廟在北門內街南路北

藥王廟在試院東迤南路北高阜上

浚水河神廟在西關迤南河岸上殿宇三楹現任知州

孫公傳棧創建以光緒二十年七月十二日大水村

舍幾為淹沒孫公虔禱城上水為退卻因買地立廟

於此

柏林寺

在州城東門內路北有唐吳道子畫水眞際禪師浮圖又有昭忠祠祀陣亡將士咸豐三年燬

西林寺

在宋村西有岡高聳而上平廣濶二十餘畝浚水環其左豬龍河在其西寺踞其上為元桂嶺

禪師說法處

金山寺

在沙河店南西有僧忠親王祠兩廂以本州陣亡團勇附祀

鐵佛寺

在大夫莊大安村秀才營朱家莊四村之間地

彌陀庵

基濶大殿宇森嚴為一方鉅觀
在郡北賈店前臨孔道為賓旅憩息之所

泰山聖母廟

在西封斯村有趙南星撰文

趙州志

卷三

壇廟

五

倉廩

附養濟院

漏澤園

預備倉在州署東南里許舊有二倉西倉不可考今存者乃康熙十一年知州祝萬祉重修之東倉也後改名常平倉南向三廩共九間西向二廩共六間東向三廩共七間東西廩之南又有外跨四廩共二十間近就頽敗同治八年知州高維翰廢迤南外跨四廩修存南向三廩東西向五廩共二十二間東廩之北起倉夫室二間
俸糧倉在大門外右偏久廢
州倉在監獄西

趙州志

卷三

倉廩

六

社倉

失考

義倉九所

乾隆十四年創建

大石橋

東五廩三間
西五廩三間

沙河店

東前廩三間
後廩三間

新寨店

北西廩三間
南西廩三間

西封斯

東五廩三間

許家郭

西五廩三間
北廩三間

梨村

東五廩二間
北五廩三間

范莊

北平廩三間

溝岸村

北五廩四間

北龍化

北平廩三間

養濟院在州治東北

漏澤園

四門外各立以收貧民無葬地者

驛遞

遞運所在州治東

大清一統志及雍正志部城馬驛在州治西方輿

紀要

一舊額裁存驛馬七十六匹每匹日支豆草麩銀七分五釐四毫除小建五日不支歲共支銀二千零三十四兩二錢八分九釐

一差驢十二頭每頭日支豆草麩銀三分三釐九毫除小建五日不支歲共支銀一百四十四兩四錢一分三釐

一馬夫三十八名傳報撥馬夫五名獸醫一名喂駝

趙州志

卷三

驛遞

七

一夫二名共四十六名每名日支工食銀六分除小建五日不支歲共支銀九百七十九兩八錢

一鈔牌書手二名每名日支工食銀七分五釐除小建五日不支歲共支銀五十三兩二錢五分

一夫頭二名每名日支工食銀一錢除小建五日不支歲共支銀七十一兩

一損轎夫八十名內扣留二夫一十六名實存六十四名每名日支工食銀八分除小建五日不支歲共支銀一千八百一十七兩六錢

一歸驛接遞皂隸四十名走遞牌夫三十名共七十

名內扣留二夫一十四名實存五十六名每名日支工食銀一分五釐除小建五日不支歲共支銀二百九十八兩二錢

以上驛費歲共支用夫馬工料等銀五千三百九十八兩五錢五分二釐遇閏按月加增

又馬驢需用並雜支等項共銀二百一十六兩八錢七分

又買補倒馬二十四匹共銀一百九十四兩四錢每匹價銀八兩一錢

又常行廩糧銀六百四十八兩用無定額

趙州志 卷三

驛遞 支

又備僱夫銀五百二十八兩九錢五分用無定額

同治十年分本驛於額設工料銀內扣夫馬小建五

日銀八十三兩四錢七分三毫二絲又留二夫銀

五百二十八兩九錢五分內因僱夫支用銀七十

三兩尚餘剩銀四百五十五兩九錢五分又額設

廩糧除應付一十七兩五錢二分尚餘剩銀一百

三十兩零四錢七分一歲統共支用夫馬工料雜

項等銀五千九百零三錢五分二釐在於本州地

糧銀內存留支給遇閏加增餘銀扣解以上司册

急遞舖舍六日在城在州前日周村在州北十里日新

寨在州北二十里曰封家在州南十二里曰沙河在
州南二十里曰西章在州東十里又州北五里曰蘇
州南七里曰大石橋十五里曰
大誥二十五里曰野雞俱腰鋪

趙州志

卷三

驛遞

九